

剡源鄉志卷十

奉化趙霽濤 醉仙甫纂

人物傳二

元

戴表元字帥初一字曾伯榆林人自序眉目炯聳袁栢撰六歲知為詩七歲知習古

文自序多奇語十三即加冠入鄉校嘉志十五始學詞賦十七試郡校連優補守六經

喻即厭去遊杭作書言時政激摩公卿大人無所避用類申入太學校外舍生試

優升內舍咸淳辛未試中第十名對策中乙科賜進士及第自序教授建寧○衛案

康府元史乙亥由建康歸嘉志後遷臨安教授行戶部掌故皆不就本傳積階至文林

郎嘉志會兵變走避鄰郡兵定而歸家素貧授徒賣文以活老稚自序有書一車悉取

而陳諸充安閣之四旁坐閱而臥諷之左右縱橫充然無不滿之處剡源集元大德

八年年六十一矣會執政者薦於朝起家拜信州教授秩滿授婺州以疾辭嘉志初

剡源鄉志

卷十

人物傳二

一

丹山赤水洞天 剡山草堂印行

表元閱宋季文章氣萎蕪而辭猷斲力言後宋百五十餘年理學興而文藝絕永

嘉之學志非不勤也挈之而不至其失也委江西諸賢力肆於辭斷章近語雜然

陳列體益新而變日多故言浩漫者蕩而倨極援證者廣而類俳諧之詞獲絕於

近世而一切直致棄壞繩墨焚爛不可舉嘉志其弊已甚慨然以振起斯文為己任

本傳詩律雅秀力變宋季餘習元詩時四明王應麟天台舒岳祥並以文學師表一

代表元皆從而受業焉故其學博而肆其文清深雅潔化陳腐為神奇蓄而始發

本傳閒事摹畫而隅角不露嘉志往往匠心而成追古作者周汝礪尤多忠厚孝悌之

語其施於人者多自祕重不妄許與嘉志如青巒出雲姿態橫逸而連翩弗斷如通

川縈紆十步九折而無直瀉怒奔之失宋謙文至元大德間東南以文章大家名

重一時者唯表元而已本傳其高標逸韻如丹青紫霞中人小引趙孟頫嘗稱之為江

南夫子康熙黃文獻潛常樂道之而不已宋與二人聚講於法華寺之朝暉軒表

元與潛有作孟頫書之時稱三絕嘉靖志其門人最知名者曰袁桷桷之文其體

裁議論一取法於表元後以修撰博士二職論薦而老疾不可起本傳自號曰剡源

先生有文集三十卷因以名其集或稱質野翁充安老人自序至大庚戌嘉年六十

七卒本傳宋景濂為之立傳係之儒林康又嘗刻其集於太學云俞子幼儒娶

慈谿黃正孫女黃表元崇祀邑鄉賢祠郡月湖書院及剡源先正祠

竺稷字堯佐少博瀉之子嘗築讀書小室曰自齋陳守儒保世皮藏舒沈二先

生遺墨惟謹沈公書誦有曰兢兢自持若果能爾何用師友竺君誠能用力於是

舒公識其歲月則曰樂道其教子薦更百年敦厚愷悌之澤今復未艾稷宜力修

而善繼焉俾勿墜真陳深字汝資著長子本好古知禮不肯從俗嘗為婺之月泉山長本又為口口

教授陳夷白跋汝資書其弟泌書後曰余年二十許時識汝泉翁翁時年已五十

餘矣越二十有七年從其嗣子極獲視翁兄教授君所書八十歲時侍其先公祕

監府君中秋飲酒所賦五言三韻七篇蓋翁以學問文章世其家業而老蒼峻潔

剡源鄉志 卷十 人物傳 二 丹山並水洞天 剡曲草堂印行

之氣已見於少年如此宋弟抗字汝海原名淪嘗為台州昌國學錄本其所

著僅傳剡源九曲圖記一篇本袁杓有與汝海花下小飲詩清洵字汝都

官越州提鎮所傳有陳氏蕃衍擬命序本兄弟克承家學王皆祀剡源先

正祠

陳泌鄞字汝泉著幼子本表章家學陳

著撰歷代紀統泌蚤受其書而讀之後老矣嘗尊紀為經而自為之傳其傳則又

綱挈目張之至於有關世道之大者必具論其是非以貽鑒來世皆所以明其父

之意若史遷述太史公之言以為書而自謂成一家言者陳至元二年案

志 泰定元年遂安教諭遂又為饒州教授成為杭州西湖書院山長兩

如陳泌當紀叙攷宋史本紀理宗端平二年參政真德秀卒著舉進士在理宗寶

祐四年據登科錄時年三十二歲去真德秀之死已二十二年本堂集名幼子泌

名字汝泉說在丁酉之歲為元成宗大德初而云幼子及冠易祀剡源先正祠子樸

經別有傳

陳漢袁桶譚陳

字汝朝號自樂

陳氏

父觀疾作猶力書中庸一章以授漢漢以儒自

守

善畫水墨荷鷺稱於時

康熙

戴表元題汝朝百鷺圖云葦折荷枯可奈何西

風吹影淨婆娑微君作此超搖趣一箇江天也厭多

刺源集

嘗以薦授昌國學錄有

無名氏送別詩云三年冷席詩千首百里輕裝月一舟

陳成字養晦榆林人年二十許丰姿器識如四五十者嘗言昔者孔孟之門固已無所不遊無所不學故莊周滑稽史遷駁雜楚原馳騁而忘返揚雄汗穢而不愆皆蒙譏後來而自適於當世吾今方將賦招隱歌遠遊洗塵冠綻敝裘不惟厲吾豪氣以盡荆吳齊魯之觀而已聞燕代之南汧隴之北有魁梧奇傑之才自理於博徒劍客者不可勝數吾將往而求之農桑什一章句興亡之學不足為吾事也戴表元有同養晦兵後過邑詩曰搜山馬退餘春草避世人歸起夏蠶破屋煙沙飛颯颯遺民鬚鬢雪毵毵青山幾處楊梅塢白酒誰家檉柳潭休學丁仙返遼左聊

剡源鄉志

卷十

人物傳二

二二

丹山赤水洞天
剡山草堂印行

同庚老賦江南又有下邳長塘少憇示養晦詩曰野水通田白村山貼縣青兵荒

猶古道暑喝且長亭稻地晴耕犢瓜田晝撲螢吾詩不寂寞細諷與君聽

刺源集

為松陽校官及象山教諭表元有送養晦赴松陽校官詩曰書生不用世什九隱

儒官抱璞豈不佳居貧良獨難陳子剡中秀盛年早彈冠嘗攀丹丘雲亦窺滄海

瀾仙真願喜笑魚龍從盤桓天風一吹激卻步赤松關諒子太宇定悠然置悲歡

但令懷居輩極目勞追扳又有送養晦之象山教諭詩曰聞說橫經處潭潭坐翠

微開窗見日出拂席有雲飛藥市山山古魚餐水水肥新篇應爛漫休遣遞筒稀

著有晦父詩若干卷

表元

董筆潭逸其名

康熙

少牧牛

雍正

或云夜夢筆浮潭上達且往視果得筆遂以筆潭

名凡鷹隼驚濤古木花弄翎毛著色及水墨皆絕倫其署名皆曰筆潭

康熙

案今斑溪董氏自三石遷彼乾隆初三石董家村猶有董姓其人康熙志董筆

潭傳附三石陳漢疑董是三石人

石明三

元史孝友傳

四明山農夫

四志案九靈山房集稱四明山元史稱餘姚山實一山也餘杭志誤認爲餘杭山遂傳明三於彼志中謬矣

早喪父獨與母俱一日以事出告母曰兒出母居此無侍養者幸往依女氏

如志案元

史作女弟

母曰諾其女氏家甚邈明三謂母可即至後二日歸過母所寓而母未嘗至

也明三心驚倉皇抵舍見壁閒一巨竇覘之則虎子三據其榻爲穴明三知母已爲所害即慟且盡殺虎子復磨斧堅執立竇內頃之母虎循竇入斫其首碎之取肝腦磔諸庭而復大慟以斧指天曰吾雖殺四虎而吾母之仇未足以報乃更迹牡虎所行路持斧阻崖石待之牡虎果咆哮過崖下明三奮而前當虎首連斫數斧即斃明三亦隨死僵立不仆張兩目如生而手所持斧不可奪鄉鄰走弔相率拜祭而神之

戴良石孝子傳

祀剡源先正祠

毛良孫石門人父久患腹痛濱死良孫密割股託他肉以食之父病尋愈鄰家陸氏

母病一月危子淬刃批左乳以食之亦愈

仇遠

二人均祀剡源先正祠

陳樸字子章泌子

本堂集附錄

能詩

四明詩集

常州訓導

本堂集附錄

著有詠道篇雲軒集

照康

剡源鄉志

卷十

人物傳二

四

丹山赤水洞天
剡曲草堂印行

志

陳子翬字象賢

乾隆

兩湖人

○案子翬九曲詩有小盤谷下是吾廬之句

負氣幹精藝文晚年書法李邕

乾隆

爲上虞教諭

紹興府志

又爲慶元路教諭因國是日蹙遂隱居田里與高橋章壘

甬東鄭奕夫剡源徐本原胥問難麗澤經生學子爭及門受業雖處寂寞每風晨

月夕載酒溪山之上更唱迭和以抒懷抱

雅乾

延慶寺施造千佛因緣碑一千八

百餘字乃子翬所書

鄞新志

祀剡源先正祠

徐本原剡源人因伯祖禹圭居梅江遂贅勤章氏壘即其族也

雍正

著有思剡集

元志

補○錄案浙江通志思剡集是陳子翬作

明

陳經字子經初名權泌次子

本堂集附錄

束髮受歷代紀統即知先志所屬嘗申以爲圖

傳諸同志數爲筆記二百卷藏於家

陳基通鑑續編序

又爲通鑑續編二十四卷盤古至

高辛爲一卷契丹建國之始合五代爲一卷宋爲二十二卷

張紳

其紀年師司馬

光補遺其書法師朱子綱目志成化考覈之精取舍之審固非區區謏聞者所能盡

識陳基自開闢以來至於宋末數千載之事一覽無遺述史者未有如此之詳且

盡者張紳時僑居長洲寓一小樓大書宋太祖云趙匡胤自立而還未輟筆忽迅

雷擊其案極端坐不懾曰雷雖擊吾案吾手終不為之改易也蘇州府志作長洲思歸

詩本堂集附錄入明為翰林編修四庫提要後以非罪死宋元學案入祀郡鄉賢祠雍正剡源先

正祠新纂從子瑜洪武十八年丁丑進士官至刑部侍郎黃潤玉宗儒堂記

毛于廷石門人能詩積學有年洪武間以薦赴闕廷受敕諭康熙志太祖問出來馬來

耆老對出來太祖微吟曰出入金陵景若何于廷對曰五雲瑞氣壯山河龍樓曙

色天光曉鳳閣涼風秋氣多太祖曰秋氣多怪我太殺了于廷復對曰朝覲人行

朝覲路太平民唱太平歌讀書不負男兒志願效當年馬伏波太祖大喜即授為

辰州知府乾隆志

案象山志以此詩為錢唐所作且微有異同未知各志何據

剡源鄉志

卷十

人物傳二

五

丹山赤水洞天
剡曲草堂印行

單復亨字陽元居晦溪博通典籍尤善詩歌著讀杜愚得十八卷傳於世復亨最愛

杜詩故自為翻注云洪武初舉懷才抱德科授漢陽縣知縣陳縣志

王汝賢柏阮人洪武三十年舉人材結埼亭集官主簿結埼亭集謂汝賢由懷才抱

賢耳為汝賢時與陳協和陳孟雍樓穆中陳元則徐瑾戴汝舟全整皆以詩鳴稱剡源八

傑衡案北傳據奉化新志補

樓穆中舉永樂初秀才任休寧訓導康熙志十三年改郵學有修學碑記郵縣志同時徐

瑾字大章性敏捷博學能文善於吟詠著有南洲集十五卷康熙志又有布衣陳元

則戴汝舟當洪永之間皆奉化之以詩人鳴者時稱為剡源八傑結埼亭集外編

曹習古名樸以字行由楷書貢入寫永樂大典未幾拜監察御史立朝正色敢言山

東妖婦作亂持節討平之復命差蘇松等府清理軍政辨明誣枉一千七百餘人

所行條例足為世法後巡按福建劾奏不職七十餘人是年典選舉所收多名士

擢山西按察使為怨家所搆謫戍遼陽而卒康熙志

陳德成著之後讀書明理於素問靈樞難經傷寒論等書一日不忘無不究極其旨
要治人病隨機應變百發百中其祖父皆儒而隱於醫至德成而醫道愈振

儒堂記

康助鏐康嶺人正統間輸粟千碩以充常平賜宣義郎七品冠帶康又有同族康松

西隅人嘉靖間邑被倭寇築城助資千兩康

汪涵字叔度全祖望撰號晦溪海東逸史晦溪人少從學於黃宗羲慷慨喜言兵法時中原

鼎沸累欲棄諸生從戎當丙戌之夏浙東勢已不支姚江督師孫嘉績熊汝霖皆不能軍以殘卒付宗羲宗羲與王正中合軍料簡士伍得三千人欲渡海取鹽官
尉兵潭山時浙西烽火響應涵總統列將而歸安茅翰自浙西來與談兵大喜宗羲因留之使與共事無何浙東失守監國由江門入海潭山之師沿途為大兵所梗塞宗羲歸四明山結寨自固乃諭軍士不願從者任所之尚得親兵五百令涵為前導重趺開行得達四明山中駐杖錫寺宗羲微服出訪監國消息為扈從計

剡源鄉志

卷十 人物傳二

六

丹山赤水朝天 剡曲草堂印行

戒部下善與山民相結部下以絕糧不能盡遵節制山民導邏卒焚其寨夜半火起寨中倉皇出鬪皆徒手死者十九涵從烈焰中殺數人已得出嘆曰所圖不遂命也不死且自取辱還鬪而死其死也腰間有軍符故其家得求其屍而合之翰亦歿於園中全祖望撰 參黎洲神道碑嘉慶二十年郡人於鄞學西編建旌孝祠祀明忠臣

錢肅樂張煌言涵與都督黃中道俱禘祀焉又祀錦溪書院及剡源先正祠

陳純來字孝標鮑培亭集外編剡源人李梅岑小傳論以監生起官工部員外郎桂王既

稱制尊其父端王墓為興陵令純來司之桂王遣降臣修養甲祭陵密令純來礫之桂林失純來曰吾君尚在當為先王守陵以待君之還未敢死削髮為浮屠居陵下護視惟謹王入緬純來猶居陵下其後不知所終三忠傳論者謂有綿上之節

小傳 祀剡源先正祠

吳奎明戊子之役浙東山寨繼起人稱奎明公塘洞主己丑夏全祖望撰大兵方攻

奎明奎明力竭而遁海東逸史至河泊所追將及之猝遇王翊兵而戰大兵失利王翊墓碑

剡源鄉志

卷十

人物傳二

七

長男文衡校字

丹山赤水洞天
剡曲草堂印行